

Date – 18/02/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Larsap Gen (Retd) Vijay Kumar Singh leh Sports & Youth Service Minister Pu lalnghinglova Hmar te chuan Mizorama sports hmasawna turte an sawi dun.**
- 2. Chakma Autonomous District Council a BJP Sorkar, Pu Molin Kumar Chakma hruai chuan House ah fiahna a paltlang.**
- 3. Prime Minister Narendra Modia chu vawiinah Amir of Qatar, Sheikh Tamim Bin Hamad Al-Thani nen New Delhi-ah an inkawm dawn.**
- 4. IAS officer hlui leh Election Commissioner ni mek Gyanesh Kumar chu Chief Election Commissioner thar atan ruat a ni.**

<><><>

GOVERNOR

Larsap Gen (Retd) Vijay Kumar Singh leh Sports & Youth Service Minister Pu lalnghinglova Hmar te chuan Mizorama sports hmasawna turte an sawi dun.

Nimin khan Pu Lalnghinglova Hmar hian Raj Bhavan a tlawh a, arsap chuan Mizoram in fiama lama theihna a neih thu leh football avanga a hmehriat thin thu sawiin, "Football piaah lamah hian hmasawn theihna sang tak Mizoram hian a nei," a ti a. Larsap chuan Union Sports Minister a lo biak tawh thute, Mizoram Vision Olympics 2036 a neih avanga lawmawm a tih thute a sawi bakah, sipai lamah pawh a tul anga thawhpui tur a lo zawn tur thu a sawi bawk.

Sports & Youth Services Minister Pu Lalnghinglova Hmar chuan Mizoram in fiama lama hma a lakna kawngah State flagship programme 'Bana Kaih' hnuaiyah Empowering Mizoram Sports an kalpui tur thute, thingtlang hrut chhuaka sports lama talent zawnchhuah hna kalpui tura ruahmanna an neih dante Larsap hi hrilhin, Mizoram hmahlirte tihpuitlinna kawngah theihtawp chhuahpui turin a sawm a, a tawn hriat pawimawh leh hnathawh tawnate chu Mizoram a chhawr tangkai ngei a beisei thu a sawi a. LESDE leh Excise and Narcotics Department enkawltu ni bawk Pu Lalnghinglova Hmar chuan ruihhlo do kawngah sports a tangkai thute leh eizawna a nih chhoh mek thute Larsap hi a hrilh bawk.

<><><>

TBC

Adviser to Chief Minister Pu TBC Lalvenchhunga MLA chuan, Lengpui Airport chu Indian Air Force kaltlangin changtlung zawka siam theih dan an dap mek a, state danga mipuiten IAF Airport an va tawm zawk ang kha ni lovin Lengpui airport IAF in an rawn tawm ve zawk dawn tihna a ni ber, a ti

Nimina khan ZPM General Headquarter chuan party office-ah chung inkhawm an hmang a, thusawitu, Pu TBC Lalvenchhunga chuan Mizoram sawrkar in IAF kutah Airport a pe dawn lova, ramin a hlawkpui theihna tur leh changtlung zawka siam tum a ni zawk a ti a, Lengpui Airport hi naktuka hlan mai tur niawm taka ngaihna pawh a diklo a ni a ti.

Vawiina IAF kuta Airport hlan duh lotu te hian kum 2011 ah ram 32 Acre zet mai Jet Fighter thuhrukna tur a lo pe tawh a, Kum 2022-ah AAI in Mizoram sorkar-ah MoU draft a rawn thawn leh a, khatihlaia sorkar MNF ten an tihpuitlin hmain sorkar a inthlak chho zui ta mai zawk a, xhuvangin ZPM sorkar hmalakna a ni bik lova, party pahnih sorkar tawhte hma lo lak tawhna bawhzuina mai a ni, a ti bawk.

Kum 2019 leh 2022 ah khan IAF hnenah Lengpui ah 97 acre a zau leh Sihphirah 5 acre a zau MNF sorkar khan No objection an lo pe fel vek tawh a, tun dinhmunah a hlau ber anga an rawn au leh si chu amak hlea a hriat thu a sawi bawk.

<><><>

CADC

Chakma Autonomous District Council a BJP Sorkar, Pu Molin Kumar Chakma hruai chuan House ah fiahna a paltlang.

Tun thlatir ni 4 a Chakma Autonomous District Council, Chief Executive Member atan a lakluh Pu Molin Kumar Chakma chu Governor ruahmanna angin nimin khan CADC Session ah Member thlawptu a neihdan fiah a ni a, Member tamzawk in CEM hi an thlawp vangin, CADC a BJP Sorkar chuan fiahna a paltlang.

Mipui thlan Member 20 awmna Chakma Autonomous District Council ah hian, nimin a Sorkar fiahna CADC Chairman Pu Mohan Chakma kaihhruai ah Sorkar thlawp zawngin Member 14 ten ban an phar a, Member pathum in a ep zawngin ban an phar thung a, Member pahnih Session ah an tello.

<><><>

MHIP

Mizo Hmeichhe Insuihkhawm Pawl (MHIP) General Hqrs chuan Salem Venga Pi Rebek Chanchinthangi rawng taka thah a nih chungchangah an tawrhpuia zia leh duhlohzia lantirnan nimin khan Vanapa Hall kawtah an pungkawm.

Women & Child Development Minister Pi Lalrinpuii chuan he hun hi hmanpuiin tualthattu C. Lalsiamliana chu a chungah dan anga hremna pek ngei a nih theih nana hmalak nise a duh thu a sawi a. Hmeichhiate chungah hleihlenna veng turin Department chuan theihtawpin hma an lak thu sawiin kalkhawmte chu harsatna hrang hrang an tawh a nih chuan phone number 181 ah engtiklai pawhin protection officer te pui turin biak theih reng an nih thu a sawi bawk.

MHIP General Headquarters President Pi Ngurmawii Sailo chuan Pi Rebek-in a pasal C. Lalsiamliana kut tuara boralna hial a chungah a thleng chu pawh an tih thu sawiin, tualthattu C. Lalsiamliana chu a phu tawh hremna hmu ngei se an duh thu a sawi.

He hun hmanna ah hian MHIP branch hrang hrang atangin mi thahnem tak an puang khawm a, au rualna hun hman a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

RRR

MLA Pu Robert Romawia Royte, MNYF President chuan Central sorkarin Mizoram a zuam ta lutuk chu a pawia, hnam party a sorkar leh a ngai, a ti.

Nimina Aizawl-a MNF Party Office Mizo Hnam Run ah thusawiin Pu Robert Romawia chuan central sorkar chuan North East State-ah Mizoram a zuam ber, a ti a, Free Movement Regime - Burma nena inkalpawhna chu Mizoram Chief Minister chuan Delhia a zin tumin Central sorkar thu a nih thu a thlen a. Assembly-ah ZPM MLA-in FMR dodalna a putluh chu zaah zain MNF chuan a thlawp a. Amaherawhchu, nikum Dec ni 30 khan Mizoram sorkar chuan order tichhuakin Mizo mipuite tan mai ni lo northeast tribal mipuite tana thil tha lo tak FMR hlihna chu kalpui a ni ta a, MNF chu la sorkar se a tih loh tawp tur a ni ang," a ti.

<><><>

BJP MIZORAM

State Day of Prayer Committee chuan Mizoram State BJP Office an tlawh a, State President Pu Vanlalhmuaka leh a thawhpui ten lo dawngsawngin, State tana kohhran bik awm lo leh Party lam engmah sawi lova, ram leh hnam damna tur atana tawngtaina hun buatsaih a ni chu a lawmawm a ti.

Ram vei tute'na ram leh hnam damna tur leh hmasawanna tur atana hmalakna a awm chu a lawmawm hle a, BJP chuan an din chhan Mizoram leh Hnam tan a nih avangin, chumi tih hlawhtlinna bul chu Pathian chauh a ni a, he tawngtaina hun pawimawh tak ah hian BJP hruaitute leh Member-te atam thei ang ber kal turin an in buatsaih dawn a ni," a ti.

Rev. R. Lalrinmawia chuan, "BJP Mizoram he ni an ngaih pawimawhna ah lawm thu a sawi a, MLA te, BJP hotute bakah Member a tam thei ang ber he hun hman pui theuh turin an sawm a ti.

<><><>

PRIME MINISTER

Prime Minister Narendra Modia chu vawiinah Amir of Qatar, Sheikh Tamim Bin Hamad Al-Thani nen New Delhi-ah an inkawm dawn. Prime Minister leh Amir te hian India leh Qatar inkar thil pawimawh tak takte an sawidun dawn a. Vawiin vek hian Sheikh Tamim hi Rashtrapati Bhawan ah

ropui taka lawmna hun buatsaih a ni ang a. President Draupadi Mumru nen an inkawm bawk ang.

Sheikh Tamim hian ni hnih cham turin nimin khan India a lo thelng a. Airport ah Prime Minister Modian a lo hmuak a. Sheikh Tamim hi sawrkar mi pawiamwh tak takte leh sumdawng pawl hruaituten an rawn tawiam a ni.

<><><>

CBSE

Central Board of Secondary Education-CBSE chuan 2025 board exam-a zawhna putrua anga thuthang chu thudik lo anih thu a puang.

CBSE chuan social media lamah zawhna putru anga thu thehdarh chu Board chuan a ngai thutak hle tih sawiin heng thuthangte hi behchhan nei lo leh zirlaite ti chiai tura thehdarh anih thu an sawi a. Hetianga thu diklo thehdarhtute hi zawn chhuah an nih tur thu a sawi bawk a ni

<><><>

UNION FINANCE MINISTER

Union Finance and Corporate Minister Nirmala Sitharaman chuan nimin khan Mutual Credit Guarantee Scheme for MSME chu Mumbai ah a tlangzarh. Union Finance Minister chuan an scheme hawn tak chuan MSME te nasa takin hma a sawn tir dawn tih sawiin tunhnai budget pathumah pawh MSME te thlur bing an ni a ti.

He Scheme hian MSME te tan loan cheng vabelchhe 100 thleng an bungrua leh hmanraw lei nan a pe dawn a ti a. Pi Sitharaman-i chuan sawrkarin sumdawanna lama sum peipung duh investor te chu hlep tha tak a pe let tih sawiin ralthuam siamchhuahna lamah pawh sawrkar chuan policy tha tak tak siamin investorte tan hlawkna a pe nasa a ti a. Hei vang hian ralthuam thawnchhuah pawh cheng vaibelchhe sing 2 leh sang 4 hu in a thang a ti a. Maharastra chu ralthuam siamna hmunpuiah a insiam chho mek a ti bawk a ni.

<><><>